



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: 10-839-24/15
Datum: 20.1.2016.

Na osnovu člana 70. stav (1), a u vezi sa članom 69. stav (2) tačka f) Zakona o javnim nabavkama BiH («Službeni glasnik BiH» br. 39/14) donosim

O D L U K U

o poništenju postupka nabavke

I

Poništava se postupak nabavke po Obavještenju o nabavci broj **1132-7-1-126-3-92/15**, pod nazivom **"Plovna vozila" - metalni motorni čamac.**

II

Ova odluka stupa na snagu danom donošenja.

O B R A Z L O Ž E N J E:

Postupak javne nabavke pokrenut je Odlukom o pokretanju postupka javne nabavke broj: 10-839-2/15 od 9.9.2015. godine. Javna nabavka je provedena putem konkurentskog zahtjeva za dostavljanje ponuda. Procijenjena vrijednost nabavke bez PDV-a je 34.000,00 KM. Obavještenje o nabavci broj: **1132-7-1-126-3-92/15** je poslato na objavu i objavljeno na portalu javnih nabavki dana 14.10.2015. godine.

Agencija je uputila zahtjev za dostavljanje ponuda na adrese tri ponuđača:

1. ELKO BOSCH d.o.o. Tojšići
2. ISKRA TUZLA d.o.o. Tuzla
3. ELEKTRO UNIVERZAL d.o.o Tuzla

Tendersku dokumentaciju sa web portala Agencije preuzeli su sljedeći ponuđači:

1. Vatro-promet d.o.o.
2. KM trade d.o.o.
3. Green Projekt d.o.o.
4. Shot d.o.o.
5. Eko-bel d.o.o.

Komisija za nabavku imenovana je Rješenjem broj: 10-839-5/15 od 27.10.2015. godine. U skladu sa Rješenjem URŽ-a broj JH2-03-07-1-118-5/15 od 10.12.2015. godine po žalbi žalioca VATRO-PROMET d.o.o. Banja Luka Komisija je započela ponovni postupak kvalifikacije ponuđača.

Ponuđač Vatro-promet d.o.o. Banja Luka je uložio žalbu broj ID-24-11/15 od 13.11.2015. godine na Odluku o izboru najpovoljnijeg ponuđača broj 10-839-12/15 od 9.11.2015. godine. U skladu sa zakonskim odredbama Ugovorni organ je istu, uz izjašnjenje o navodima iz žalbe, proslijedio URŽ-u, Filijala Mostar zajedno sa kompletnom dokumentacijom vezanom za predmet javne nabavke roba: „Plovna vozila-metalni motorni čamac“. Zajedno sa ostalom dokumentacijom Ugovorni organ je predao i jedine primjerke Ponuda za nabavku predmetnih roba. URŽ, Filijala Mostar je u svom Rješenju broj JH2-03-07-1-118-5/15 od 10.12.2015. godine vratio predmet Ugovornom organu na ponovni postupak kvalifikacije. Kako URŽ, Filijala Mostar, nakon donošenja Rješenja, Ugovornom organu nije vratio predmetnu dokumentaciju, Ugovorni organ nije bio u mogućnosti da postupi po Rješenju URŽ-a. Agencija, kao Ugovorni organ, je URŽ-u uputila Molbu za izuzimanje ponuda na revers zbog kopiranja broj 10-839-21/15 od 23.12.2015. godine, a nakon pozitivnog odgovora URŽ-a i Punomoć gospodinu Krešiću iz Mostara, broj 10-839-22/15 od 28.12.2015. godine, da u ime Agencije Izuzme i kopira predmetne ponude. Agencija je navedene ponude zaprimila 6.1.2016. godine, nakon isteka roka važenja ponuda. U skladu sa članom 60. stav (2) Ugovorni organ može samo u periodu važenja ponude da od Ponuđača zahtijeva produženje roka važenja ponude. S obzirom da je taj rok istekao Ugovorni organ nije bio u mogućnosti da traži produženje roka ponuda, a samim tim niti da izvrši ponovnu kvalifikaciju ponuđača.

Zbog navedenih razloga, a koji su izvan kontrole Ugovornog organa odlučeno je kao u dispozitivu

PRAVNA POUKA:

Učesnik u postupku, koji nije zadovoljan ovom odlukom, može u roku od 10 dana od dana prijema ove odluke izjaviti žalbu zbog povrede odredaba Zakona o javnim nabavkama. Žalba se podnosi u najmanje 3 primjerka «Agenciji za vodno područje rijeke Save» Sarajevo. Žalilac je obavezan platiti naknadu za pokretanje žalbenog postupka (član 108. stav (1)) Zakona o javnim nabavkama BiH).

DIREKTOR

Sejad Delić, dipl.inž.

Dostaviti:

- Sektor 50,
- Sektor 10,
- Ponuđačima
- a/a.